

RATHMANN, ROSE (61): De Schullsiitzung (2:29 min)

Alsu wann bei uns en der Schull Karneval gefiert weed, mer sin ungefähr 2000 Pänz op dä Schull, muss jede Klass för die Karnevalsfier irgendjet probe, irgenjet enstudiere. Et gitt su en Aat Sitzung un Wieverfastelovend weed dann zosamme gefiert. Un en disem Johr wor et su, dat mer e Leedche enstudiert han vun de Bläck Fööss un die Kinder hatte sich dat selver usgesok, alsu ming Klass, die sin en der fünfte Klass em Moment, sin su zehn, elf Johr ald un die Jungens, die han gesaht, mir gonn all zosamme op de Bühn un do singe mer dat un dann maache mer immer su paar Figure op dä Bühn, wat grad su dozo pass. Un dat traineere mer eets en un die Mädcher, die wollte jet danze op en andere Melodie. Dann ha' mer alsu dann aangefangen zo übe un et ging och eets ganz god. Un irgendwann kom dann dä Moment, wo die Jungens Krach hatte, ov dat jetz dat richtige Leed wor. Et göv doch noch e paar andere, die künnt mer doch och singe. Un dat eine wör schöner wie dat andere. Un do gov et ene große Krach un dann wollte se op eimol üvverhaup ni' mih. Während die Mädcher woren all einig. Un han gesaht: "Mir han ald e Stöck un dat ha' mer och entrainiert un dat maache mer och." Han ald alles fäädig gehat met Kostüme. Dä ganze Danz wor ald alles parat. Während die Jungens alsu all noch üvverhaup kein Idee hatte, wat se dann jetz maache wollte. Un dann han ich gesaht: "Su, wä jetz alsu op de Bühn geht, all denne schenke ich en rude Pappnas, domet se winnigstens einheitlich ussinn. Un en däm Moment wor dann ene Jung, dä kütt us der Türkei un dä kann üvverhaup kei Kölsch, und dä wollt alsu och eesch üvverhaup gar nit metsinge, äver wie et dodröm ging, dat hä met der rude Pappnas op der Bühn stonn darf, do hät e gesaht: "Okay, jetz weiß ich och, wat mer för e Leed singe." Un hät dat och uswendig geliert op Kölsch, obwohl dä üvverhaup gar kei Kölsch kann. Un dann woren die andere Jungens su begeistert un han gesaht, god, dann trede mer jetz all op un all hatten dann ehr rude Pappnas om Kopp un do wor dat Problem och gelös.

Rathmann, Rose (61): De Schullsiitzung

'alzu vən bɑɪ ʔʊns ʔən də ʃɔl 'kɑ:nəval:əfi:ɛt vɛ:t mɛ: zɪn ʔʊnjə'fɛə 'tʃvɑ:ɪtʌzənt pɛnts ʔop tɛ ʃɔl dɑn: mʊs jɛ:də klas: fyɛ di: 'kɑ:nəval:s,fɑ:ɪə 'əntjɛt pɛo:bən 'ʔɛnjɛt 'ʔɛnstɔdiɛkə ʔɛt jɪt su nə ʔɑ:t sɪtʃʊŋ: ʔʊn dɑn vɛt hɑlt 'vi:vɛfastɛlo:vɛnt fɛ:t:ɑn tʃʊ'zɑmɛ jɛfi:ɛt ʔʊn ʔɪn dɪzɛm jɔɔ vɔ: ʔɛt so: dat miɛ ʔə lɛ:tʃjə 'ʔɛnstɔdiɛt hɑn fɔn dɛ blɛk fɔ:s ʔʊn: di kɪndɛ hɑtŋ zɪfʃ dat zɛɪvɛ 'ʊsʃɛzɔk ʔalzo mɪŋ klas di zɪn ʔɪn dɛ fɪnftɛ klas ʔɛm:o'mɛnt ʔalzo zɪn zo tʃɛ:n ʔɛlf jɔɔ ʔɑlt ʔʊn di jʊŋɛns di hɑn jɛzɑt miɛ jɔn ʔɑl tʃɛzɑmɛ ʔop ti by:n ʔʊn dɑ zɪŋɛ mɛ dat ʔʊn dɑn: mɑ:xɛ mɛ ʔɛmɛ zu zu pɑɛ fɪ'juɛkə ʔop tɛ by:n vɑt jɛɑ:t su dɔ'tʃu pɑs ʔʊn dat tɛ'ni:ɛkə mɛ jɛtʃ ʔɛn ʔʊn di mɛ:tʃjɛ di vɔltŋ jɛd:ɑntʃɛ ʔob_ɛn ʔɑndɛkə melo'di: ʔɛn dɑn hɑm:ɛ ʔalzɛ dɛn: 'ʔɑ:njɛfɑŋɛ tʃɛ ʔy:bɛ ʔʊn:ɛtθ gɪŋ ʔox ʔɛ:tʃ jɑntʃ jɔ:t ʔʊn ʔɛbjŋt'vɑn kɔ:m dɑn dɛ mo'mɛn vɔ: di jʊŋɛns ʔɛɔnt'vi: kɛɑx hɑtŋ ʔɔp tɑt jɛtʃ tɑt 'rɪftʃjɛ lɛ:t vɔɔ_ɛn_ɛt jɔɛ:f tɔx nɔɔ_ɛn pɑ ʔɑndɛkə di kɔɛntɛn dɔx ʔox zɪŋɛ ʔʊn dat ʔɛɪnɛ vɔɔ ʃɔ:nɛ ʔɑls tɑt ʔɑndɛkə ʔŋ:a jɔ:v_ɛt nɛ jɔo:sɛ kɛɑx ʔʊn dɑn vɔltŋ zɛ ʔop 'ʔɛɪmɔ ʔɔvɛ'hɔɔp ni mi: vɛ:ɛŋt:i mɛ:tʃjɛ vɔɛn ʔɑl 'ʔɑɪnɪfʃ ʔʊn hɑn:ɛzɑt miɛ hɑn ʃɔn_ɛt ʃtɔk ʔʊn dat hɑ mɛ ʔox 'ʔɛntɛni:ɛd_ɛn dat mɑ:xɛ mɛ ʔox hɑn ʃɔn ʔɑlɛs fɛ:dɪfʃ:ɛhɑt mɛt kɔs'ty:mɛ ʔʊn: jɑntʃɛ dɛ jɑntʃɛ dɑntʃ vɔɔ ʃɔn ʔɑlɛs pɑ'ɛɑ:t vɛɔɛŋt:i jʊŋɛns 'ʔalzo ʔɑl nɔx ʔɔvɛ'hɔ:ɔf kɛn ʔi'dɛ: hɑtŋ vɑt sɛ dɑn jɛtʃ mɑ:xɛ vɔltɛ ʔʊn dɑn: hɑn_ɪfʃ:ɛzɑ:t so: vɛɔ ʔalzo jɛtʃ ʔop ti by:n jɛ:t ʔə: ʔɑln dɛ:n dɛn ʃɛŋg_ɪfʃ_ɛn ɛu:dɛ 'pɑpna:s dɑ'mɛt_ɛ ʔə 'vɛ:nɛsɛns 'ʔɑɪnhɑɪtlɪfʃ 'ʔus:ɪn_ɛn_ɪn dɛm:o'mɛnt vɔɔ dɑn ɛ:nɛ jʊŋ dɛɔ kɪvɪt ʔus tɛ tɪɪ'kɑɪ ʔʊn_ɛ kɑn_ɪvɛ'hɔɔp kɛɪ kɔɛlf ʔʊn dɛ vɔlt 'alzo ʔox ʔɛ:tʃ ʔɔvɛ'hɔɔp jɑ: nɪt 'mɛtsɪŋɛ ʔɛvɛ ʔalz_ɛt:ɑn dɔ'dɛ ɔm jɪŋ dɑt_ɛ jɛtʃ mɛt:ɛ ɛo:tɛ 'pɑpna:s ʔop tɛ by:n ʃtʊn dɔɔf dɑ hɛt_ɛ jɛzɑt ʔo'kɛɪ jɛtʃ vɛ:z_ɪfʃ ʔox vɑt miɛ fɔ_ŋ lɛ't zɪŋɛ

ʔən hɛt:at ʔox 'usvɛndɪfj:əlɪ ɛt ʔop kœlf ʔɔp'vo:l dɛ øvɛ'hɔʊp kɛɪ kœlf kan ʔon dan vɔŋ di
ʔandəʊ jʊŋŋs:o: bɛjɔɪst_ʊn han jɛzət sʊ dan tɛdɛ mɛ jɛtʂ ʔal ʔop ʔʊn ʔal hatŋ dan ʔiɛ
vɔ:də 'pɑpna:s ʔom kɔp ʔʊn dan vɔ dat pɒs'ble:m ʔox jɛlθ:s